

حنان الحبيب ﷺ " اشتقت إلى أحبابي " | الحلقة (20) |

#لماذا_محمد ﷺ | د. حازم شومان

حازم شومان

بعتوا لي. السلام عليكم ورحمة الله وبركاته. الحمد لله وكفى وصلاة وسلاما على عباده الذين اصطفى اللهم صل على عبدك ونبيك وحبيبك وخليتك ورسولك محمد صلى الله عليه وسلم. في الاولين والآخرين والملا الأعلى - 00:00:00

يوم الدين عدد خلقك ورضا نفسك وزنة عرشك ومداد كلماتك. ثم اما بعد. كل سنة وانتم طيبين. كل سنة وانتم طيبين للي بياكلوا دلوقتي محشي وبط قدامنا. كل سنة وانتم طيبين للي بيפטروا الوقتي على فول وعيش. كل سنة وانتم طيبين للمخرجين اللي واقفين ورا الكاميرات. يعني مش عارفين يفتروا لغاية دلوقتي للاسف - 00:00:20

كل سنة وانتم طيبين جميعا بحلول رمضان. ربنا يجعله خير رمضان مر علينا في حياتنا يا رب. اللهم امين. ثم اما بعد. يعني قبل ما نبدأ نتكلم عن سيرة حبيب الله - 00:00:40

الله محمد صلى الله عليه وسلم. انا عايز اكلّمك الاول هو حبك قد ايه. هو حبك قد ايه. عايز اكلّمك ان اكبر حب حبه مخلوق لمخلوق في الدنيا كلها هو الحب اللي الرسول حبه لك. والحب اللي محمد صلى الله عليه وسلم حبه لك. ممكن ما يكونش هو اكثر واحد انت حبيته في حياتك. ممكن. ولكن - 00:00:50

انت اكثر واحدة هو حبك في حياته عليه الصلاة والسلام. وانت اكثر واحد هو حبك في حياته عليه الصلاة والسلام. يا جماعة بتحبوه قد ايه؟ بتحبوه قد ايه؟ اللي قد - 00:01:10

مليون برهان على انه بيحبك. انت قدمت كم برهان على انك بتحبوه. بتحبوه قد ايه؟ اللي ياما دموعه سالت عشانك انت انت كم مرة بكيت عشانه. بتحبوه قد ايه اللي عاش حياته يا طالع من جبل يا نازل جبل. يا مطارد يا مطرود يا بيتحارب يا بيحارب. يا محاصر يا يا جائع عليه الصلاة - 00:01:20

سلام يا مسافر يا ليه عشانك انت؟ عشان انت تطلع مسلم وعشان انت تطلعي مسلمة. انا عايزك تحبه بكل ذرة في قلبك. لحد ما تحس لك سيدنا ابو بكر الصديق رضي الله عنه وهو بيموت قال لهم ان مت الليلة فادفنوني فان خير ليلى ابيتها بجوار رسول الله. صلى الله عليه - 00:01:40

وسلم. حب الموت عشان هينام جنب النبي عليه الصلاة والسلام. انا عايزك تحس بكل ذرة في قلبك. ليه سيدنا عمارة ابن يزيد وهو بيموت في معركة احد فضل يزحف لحد ما وشه لمس جسد النبي عليه الصلاة والسلام. وسكن ومات رضي الله عنه. انا عايزك تحس بكل ذرة في قلبك. ليه المرأة - 00:02:00

اللي بشروه بمقتل ابوها واخوها وابنها في غزوة احد قالت لهم ماذا فعل رسول الله؟ صلى الله عليه وسلم اما عرفت انه هو عليه الصلاة والسلام حي قالت كل مصيبة بعدك جلل يا رسول الله. اي حاجة تهون بعدك يا رسول الله. انا عايزك تحس بكل ذرة في قلبك. له بلال وهو بيموت - 00:02:20

امراته بتقول وحزنه. قال لها بل قولي واظرباه. ليه غدا القى الاحبة؟ مين؟ محمد صلى الله عليه وسلم. شوق رسول الله صلى الله عليه وسلم. انا عايزك تحس وسيدنا عمر بيقول له يا رسول الله يا رسول الله وهل احياني الله الا بك؟ وهل رفعني الله الا بك - 00:02:40

فما خير الحياة وانت معرض عني يا رسول الله؟ انا نفسي حب الرسول يملئ عليك حياتك. يبقى امنيتك انك تشوفه في رؤية قبل ما تموت عليه الصلاة والسلام انا ليه ما اشتقتلوش ما وحشكيش ما وحشكش عليه الصلاة والسلام مش نفسك تشوفه. مش نفسك تقعدى معه عليه الصلاة والسلام. الرسول عليه الصلاة والسلام بيقول من اشد - [00:03:00](#)

امتي حبا لي. قوم امنوا بي ولا امنوا بي ولم يروني. يود احدهم لو رأني باهله وماله. يدفع حياته كلها ونشوف النبي عليه الصلاة والسلام. انت من الناس دول ولا لآ؟ انت مشتاقة للنبي عليه الصلاة والسلام كده؟ ولا ما انتيش مشتاقة له بهزه الطريقة؟ صهيب ساب ما له - [00:03:20](#)

اهل مكة عشان يجري يشوف النبي في الهجرة. ابو سلمة شاف قصاد مراته وساب ابنه اللي كتفه اتخلع قدامه. عشان يروح للنبي عليه الصلاة والسلام في في الهجرة انت تدفع ايه وتروح للنبي؟ تدفعي ايه وتبقي معه في الجنة عليه الصلاة والسلام؟ انا هكلمكم الليلة عن انت موقعك في قلب النبي كان ايه - [00:03:40](#)

الحنان اللي في قلب النبي تجاهك كان ايه؟ انا هكلمكم الليلة يا جماعة عن حنان النبي مش رحمته. الرحمة ممكن على المسكين انما الحنان ده ام واب على ابنهم - [00:04:00](#)

هكلمكم عن حنان رسول الله صلى الله عليه وسلم. حنانه بزوجاته يكون لواحدة نفسك في زوج حنون. حنانه بك وببيك. حنانه بالجمال عليه الصلاة والسلام. حنانه باللي ازوه باللي ظلموه. حنانه بالعصاة والمكسورين. حنانه بكل فقير وبیتيم وضعيف. يا كل فقير - [00:04:10](#)

وبیتيم وضعيف. ما انتاش عارف تاخذ حقك. في الدنيا وما انتاش لاقى حد يحترمك ويسمع لك. النبي عليه الصلاة والسلام. شف حنانه بك كان قد ايه. اول حاجة عايز اكلكم عنها حنان بالجماد يا جماعة. النبي عليه الصلاة والسلام في خطبة الجمعة طلع. الصحابة عملوا له منبر. النبي طلع القبائل اللي حوالين المدينة والصحابة كلهم - [00:04:30](#)

التف حوالين النبي عليه الصلاة والسلام على المنبر. النبي بدأ يتكلم عن الدين ونصرة الدين. ويتكلم عن ربنا والكل انفعل معه. والكل منصت معه. وفجأة اسمعوا صوت حد بيتألم. حد بيتألم اللي بيتألم ده بيبكي. فيه صوت بكاء في المسجد. فيه صوت الم في المسجد. وقدام كل الصحابة ينزل رسول الله صلى الله عليه وسلم من على المنبر - [00:04:50](#)

ويقطع حاكم الدولة الخطبة بتاعته من على المنبر وينزل. ويفاجئوا ان الرسول راح على جزع الشجرة اللي كان بيخطب عليه. قبل ما المنبر يتعمل يحضنه رسول لله. اول ما الرسول يحضن الجزع. الجزع يسكن تماما. اللي كان بيتقال من الوقت هو الجزع. الرسول عليه الصلاة والسلام يقول لهم والله لولا - [00:05:10](#)

اني التزمته لظل يبكي الى يوم القيامة. وفي رواية لازل يحن الى يوم القيامة. الجزع اشتاق لرسول الله ما اشتقتلوش. الجزع بكى على فراق رسول الله. وانت بكاءك على فراقه قد ايه. ومش المشكلة يا جماعة ان الجزع يحن للنبي. او الجزع يبكي عشان - [00:05:30](#)

المشكلة ان النبي هو اللي يحن للجزع. رسول الله حاكم الدولة قائد الامة يسحب منبر الجمعة وينزل عشان جماد عشان جزع زي ما كان في سفريه عليه الصلاة والسلام كان في عصفورة عصفورة صغيرة ولدت فرخين. الصحابة خدوا الفرخين بتوعها. قعدت ترفرف. النبي عليه الصلاة والسلام قال لهم من فجع هذه بولدها - [00:05:50](#)

اليها ولدها. حنانه بعصفور يا جماعة. كانهم ولاده مش ولادها عليه الصلاة والسلام. مش العجيب ان النبي يقول احد جبل يحبنا مش العجيب ان الصخر يحب النبي العجيب ان النبي يقول ونحبه ان النبي حنانه حط على الحجر حتى على الجماد عليه الصلاة والسلام. انا عايزك - [00:06:15](#)

النبي بكى عشانك قد ايه؟ دموع النبي سالت عشاننا قد ايه؟ لما كان ليلة كاملة من الفاحشة للفجر قاعد يصلي ويبكي ساعات يعني من الوقت للفجر يصلي ويبكي. ويدعي لك انت ويدعي لك انت. لما قرأ قول الله ان تعذبهم فانهم عبادك - [00:06:35](#) فضل يبكي ويدعي ربنا سبحانه وتعالى ان ربنا يرحمنا. ابوك ما عملهاش معك. احب حبيب لك في الدنيا ما عملهاش معك. لما

الصحابي دخل على النبي يصلي قيام ليل ولصدره ازيز كازيز المرجل. صوت صدره بيغلي من كتر همه على انقازك وانقازك. لما -

[00:06:55](#)

الرسول عليه الصلاة والسلام وكان عنده ثلاثة وستين سنة. وقف يصلي والصحابة كلهم وراه. وقف يصلي. صلى كثير جدا. طول في الصلاة وهو واقف وهو راکع وهو ساجد صحيح والصحابي بيقول وزل ينفخ ويبكي يبكي بدموع منهمرة. ليه يا جماعة؟ تعرفوا ان

اليوم ده كان يوم موت ابراهيم ابنه - [00:07:15](#)

والنبي كان عنده ثلاثة وستين سنة عليه الصلاة والسلام. اه يبقى البكاء ده حزن على ابراهيم لأ. امال البكاء ده ليه؟ البكاء ده لان يومها الشمس خسفت. حصل الشمس في اليوم داهوت النبي فضل يصلي طول الصلاة ويبكي ويقول اللهم انك وعدتني. الا تعذبهم

وانا فيهم الا - [00:07:35](#)

وهم يستغفرون وانا نستغفرك. النبي يوم موت ابنه يبكي عشانك انت. النبي يوم موته يموت ابنه عليك اشد من حزنه على ابنه. لما

النبي عليه الصلاة والسلام عليه الصلاة والسلام - [00:07:55](#)

لما النبي عليه الصلاة والسلام ابن مسعود قرأ عليه قول الله فكيف اذا جئنا من كل امة بشهيد وجئنا بك على هؤلاء شهيدا. الاية اللي عليه الصلاة والسلام هيشهد بها على الناس. هيشهد بها عليك وعليك. على كل واحد خالف سنته. فالتفت فاذا عيناه تهملان. الدموع

فايضة من - [00:08:12](#)

عليه الصلاة والسلام. ما حبتوش ليه؟ ما حبتوش ازاي؟ اللي كان بكأوه لك. ودعائه لك وجهده عشانك. حبيته قد ايه؟ كم مرة بكى عشانك. كم مرة جه عشانك؟ كم مرة عطش عشانك؟ يا جماعة احنا مقصرين في حق رسول الله. مقصرين في حب رسول

الله صلى الله عليه وسلم - [00:08:32](#)

انا عايز اكلملك عن حنانه بكل مزنب وعاصي ومكسور. النبي عليه الصلاة والسلام قاعد في المسجد والصحابة حواليه بيكلموا عن ربنا وعن الآخرة وعن الجنة كل من فعل وكل قلبه في السما. فجأة يدخل شاب يرمي قنبلة. ما قالش شاب فجأة يدخل يا رسول الله الكل

يلتفت اليه. ائذن لي في - [00:08:52](#)

زنا! ده لو راح قالها لابوابه يقتله. زنا! ده لو واحد طلع خطيب جمعة يوم الجمعة وقال له الكلمة ديت الناس ترميه برة الجامع. زنا! اذن

له في الزنا! ما قالوش حتى - [00:09:12](#)

شهوتي ولا ولا جوزني ائذن لي في الزنا. تخيلوا يا جماعة كل الناس اتلفت حواليه. مه مه يعني ايه مه؟ يعني ابعد. ابعد من عندنا.

ابعد من مش عايزينك معنا. الرسول عليه الصلاة والسلام ما قالوش ابعد. الرسول قال له ادنه قرب. ادنه قرب مني. الرسول عايز

يقربك. الرسول - [00:09:22](#)

عايز يضمك. الرسول عايز يوصلك لربنا سبحانه وتعالى. الرسول قال له كلمة بتتفجر بطوفان حنان. قرب مني. مش نفسك الكلمة دي من رسول الله. مش نفسك انك تسمعها منه وانت على الحوض يوم القيامة. مش نفسين نفسنا يا رسول الله. كل امتك محتاجة الكلمة

دي منك يا رب - [00:09:42](#)

رسول الله. ابنه قرب الوحيد اللي قال له قرب. يا حبيب قلبي ممكن تكون شاب عصيت ربنا. لو رحت لحد قلت له انا انا وقعت في

العادة السرية. وانا عملته - [00:10:02](#)

عملت حاجات اشد من كده ودخلت على مواقع ممكن ما حدش يسمعك ما حدش يحترمك. ما حدش يقدر مشكلتك. انما النبي

هيسمعك وهيحضنك وهيضمك عليه الصلاة والسلام. الشاب ده يا جماعة مشكلته ايه؟ الشاب ده شاب من كتر المعاصي قال انا لا

يمكن اتغير. رايح للنبي يقول له يا رسول الله انا لا يمكن اتغير. يا رسول الله الحل - [00:10:12](#)

واحد عشان ادخل الجنة مش ان انا اتغير. الحل الوحيد عشان ادخل الجنة ان الدين هو اللي يتغير. امال انت جاي ليه؟ جاي لاني

مش قادر. جاي لاني خايف من ربنا سبحانه وتعالى - [00:10:32](#)

خايف مهما عصيته خايف منه. الشاب ده يا جماعة في دقيقة واحدة مع رسول الله. صلى الله عليه وسلم. بضمة من رسول الله صلى

الله عليه وسلم الشاب ده يا جماعة خرج طاهر القلب ناسي تماما اي حاجة تتعلق بالزنا. ليه؟ النبي اقنعه لأ يا جماعة مش بس كده. لانه فوجئ - [00:10:42](#)

ان في حد بيسمعه فوجئ ان النبي بيحبه كل الحب الرهيب ده. ما كانش متوقع ان فيه حد بيحبه للدرجة دي. ان فيه حد مش هيحتقره. مش هيحتقر مشكلته ان فيه حد هيقربه منه وهيسمعه وكان صدر حنون. لكل مكروب في الامة. كان صدر حنون لكل واحد عنده مشكلة في الامة عليه - [00:11:02](#)

الصلاة والسلام. كان اب لكل يتيم. كان صدر حنون على كل صاحب مشكلة وكل مسكين. الشاب ده يا جماعة الشاب ده الرسول عليه الصلاة والسلام قعد يقنعه اترضاه لامك؟ لاخترك كلها طارقة على قلبه بقوة. وبعد كده ايديه اللي تفجر منها المياه. حطه على حطها على - [00:11:22](#)

صدر الشاب ودعا له ربنا بحب الشاب لقي حد بيدعي له. لقي حد بيحبه لقي حد بيقربه. خرج وحب رسول الله اعظم حب في قلبه عارفين الشاب ده ممكن يكون كان بيحب واحدة. بس مش قادر ان هو مش قادر انه يتجوزها. ما ينفعش انه يتجوزها. الشاب ده اتعالج حب الزنا في قلبك - [00:11:40](#)

وبحب رسول الله. حب رسول الله علاج لشهواتنا ولامراضنا. ولكل مشاكلنا يا جماعة. الشاب جاي ياخذ اذن بالزنا. خرج باذن من الله بداية لانه جه لانه جه لانه كان فعلا في قلبه خوف من الله سبحانه وتعالى. وحشك ولا لأ؟ وحشك ولا لأ؟ عرفت ان اكبر - [00:12:00](#) اتحرمتموا في الدنيا انك انت اتحرمتم من رسول الله. صلى الله عليه وسلم احنا اتحرمنا منه في الدنيا. مش عايزين نتحرم منه في الاخرة يا جماعة. يا جماعة ده كانت نزرة لوشه - [00:12:20](#)

تخليك صحابي عليه الصلاة والسلام. ده كان دعوة منه تخلي قلبك اظهر قلب زي الشاب. اللي استأذن في الزنا عليه الصلاة والسلام. مع العصاة والمكسورين لما لما لقي صحابي لابس خاتم ذهب قام نازع الخاتم ورماه في الارض وقال يعتمد احدكم الى قطعة من النار فيضعها في يده. ايه ده - [00:12:30](#)

انت مش بتقول حنان النبي! هو فين حنان النبي! ده قمة الحنان. ده قمة الحنان. ازاي! انت لو شفت ابنك قطر هيدسه. هيدسه هتقول له حاسب يا حبيبي لو شفت بنتك في حنة نار هتقع عليها من السقف. هتقولي لها حاسبي يا حبيبتني و لا هتزقه. الرسول ما نزعش الراجل ما نزعش الصحابي. نزع حنة - [00:12:52](#)

النار من ايديه. في حنان بعد كده عشان تعرفوا ان حدود الشريعة. ان كل حدود الشريعة الاسلامية قمة الحنان يا جماعة. حنانه انا عايز اكلمك الحنان رسول الله بيبك انت. بك انت يا اللي ما شافكوش. يا اللي مات قبل ما يشوفك بالف وربعمية سنة. يا اللي مات قبل ما تشوفك عينيك بس كان نفسه يشوف - [00:13:12](#)

بس قبل ما يموت بايام لما راح يزور قبور البقيع ويودع الاموات قال لصاحبه اشتقنا لاخواننا. اخواننا اولسنا اخوانك رسول الله فيه حديس تاني لوددنا انا رأينا احبابنا نفسي اشوف احبابي. نفسي اشوف حبايب قلبي. حبايب قلبك مين يا حبيب الله - [00:13:32](#) الله. قالوا له اولسنا احبابك يا رسول الله؟ قال لهم لا. مش انتم. قوم امنوا بي ولم يروني الا هو احنا يا جماعة. كان نفسه يشوفك قبل ما يموت كان امنية حياته انه يشوفك قبل ما يموت. كان صعبان عليه انك انت هتيجي ومش هتشوفه. عشان كده بعث لك سلام وهو بيموت عليه الصلاة والسلام - [00:13:52](#)

النبي عليه الصلاة والسلام ولوددنا انا رأينا احبابنا. يا جماعة احنا كمان احنا كمان اشتقنا لك يا حبيب الله. احنا كمان اشتقنا ان احنا نبوس ايديك اللي الطعام راح فين؟ اشتقنا انك نبوس رجلك اللي ادميت عشاننا في رحلة الطائف. اشتقنا لك يا رسول الله. اشتقنا لك يا خير خلق الله. تخيلي الوقتي لو انت قاعدة لقيت - [00:14:12](#)

المحمول بتاعك جا له رسالة. بتفتحي الرسالة من مين؟ لا تامر رسول الله صلى الله عليه وسلم. يا رسول الله رسول الله باعت لي رسالة انا بيقول لي ايه؟ بيقول لك انا كنت مشتاق لك قبل ما اموت - [00:14:32](#) كنت مشتاق لك قبل ما اموت انت مش مشتاق لي ليه؟ ولو كنت مشتاق لي. كنت عملت معاصي تخليك مش معي في الاخرة. لو

كنت مشتاقة لي كنت ما اتبعثيش سنتي في كل - 00:14:42

حاجة هنجاهد يا رسول الله. هنجاهد عشان تبقى سيرتنا زي سيرتك. وصورتنا زي صورتك. وسيرتنا زي سيرتك وحياتنا زي حياتك يا حبيب الله انا عايز اكلّمك عن حنان رسول الله صلى الله عليه وسلم. عن حنان رسول الله بك قبل ما يموت وهو بيموت. كانت روح الحبيب تجود. كانت روح - 00:14:52

تغرغر في صدرك بيحتضر. خلاص صوت غرغرتي يروح الحشجة بتاعة الروح بتطلع. وهو يقول الصلاة الصلاة. وما ملكت ايمانكم بيموت وبيوصيك. ده ده امك. لو هي بتموت مش هتوصيك كده وهي بتحتضر. عليه الصلاة والسلام. موقف موت النبي وهو نايم بيموت عليه الصلاة والسلام. موقف - 00:15:14

كله حنان راسه على صدر السيدة عائشة بين سحرها ونحرها. كل حنان حنان بالسيدة عائشة وهو بيموت. عليه الصلاة والسلام. وحنان باصحابه لما قام قبل ما يموت ورفع الستارة عنهم وهم بيصلوا الفجر. وبص لهم رسول الله وتبسم حبيب الله. الصحابة اخر مشهد شافه - 00:15:34

النبي عليه مشهد ابتسامة حبيب الله. اخر حاجة شافوها من النبي ابتسامة اب بيودع ولاده. ابتسامة اب بيودع احبابه قبل ما يموت ويسيبها اخر حاجة ودعهم بها وهو بيشوف اولاده سمرة عمره وهو بيبيص لهم ويبتسم عليه الصلاة والسلام. موقف موت النبي كله حنان وهو بيقول قبل - 00:15:54

هيموت بلغوا عني السلام. كل من امن بي الى يوم القيامة. وعليك السلام يا حبيب الله. وعليك السلام يا رسول الله اه وعليك السلام يا خير خلق الله عليه الصلاة والسلام. حنان النبي عليه الصلاة والسلام بتحبيه قد ايه؟ بتحبيه قد ايه اللي اخر الدعوة المستجابة - 00:16:14

اللي كان ممكن ينتقم بها من اللي ظلموه واللي ازوه. اللي كان ممكن يغير دينته كلها بها. اخرها عشانك انت يوم القيامة. بتحبه قد ايه ايه اللي وقف يصلي بالليل والدموع غرقت وشه ولحيته وقميصه والارض وهو بيدعي ربنا عشانك. ما فيش حبيب لك عملها معه - 00:16:34

بتحبه قد ايه. اللي كان وهو بيموت وبيحتضر بيوصيكم باللي ينجيكم في اخرتكم. بتحبوا قد ايه عليه الصلاة والسلام اللي اشتاق اليك قبل ما يموت زي اب ولاده سافروا. وهو بيموت بيقول كان نفسي اشوف اولادي. كان نفسي اموت وهم قدام عيني - 00:16:54
قد ايه اللي لو كل الناس قالوا لك ابعد ابعد هو اللي هيقول لك قرب وهيضمك. بنحب حبيب الله رسول الله صلى الله عليه وسلم في ايه حنان النبي عليه الصلاة والسلام. حنان النبي يا جماعة بكل اللي ظلموه واللي ازوه. واللي حاولوا يقتلوه. اللي حاولوا يقتلوا النبي عليه الصلاة والسلام. حنان ازهل - 00:17:14

العالم ازهى القلوب اعداءه خالد بن الوليد. بعد صلح الحديبية خالد ابن الوليد ده كان سبب هزيمتنا في معركة احد. خالد ابن الوليد كان من الناس اللي يعني لو اي - 00:17:36

قائد اتعمل فيه اللي اتعمل من خالد وقبض على خالد كان مسل بجسته. خالد ابن الوليد بعد بعد صلح الحديبية خلاص. بقى وسط الجزيرة العربية كلها معروف. ان انهيار مقاومة مكة قدام جيش محمد مسألة وقت. خالد ابن الوليد القائد العسكري هيروح فين؟ اللي عمره ما اتعود انه يتزل هيحصل فيه ايه؟ ينتحر زي ما هتلر انتحر لما - 00:17:46

كان هيتقبض عليه يعمل ايه؟ يروح لجوء سياسي للحبشة زي ما الصحابة راحوا لجوء سياسي للحبشة. من قبلها بسببه وبسبب الصناديد بمكة يعمل ايه؟ يهرب يعمل ايه؟ خلاص جسته ممكن يتمسل بها في خلال شهور وهو في قمة الازمة النفسية والاحباط. فجأة يجي له رسالة. الرسالة دي من مين؟ - 00:18:06

الرسالة دي من محمد ابن عبدالله. رسول الله باعت لي انا! رسول الله اللي ما حدش ازى حد باعت لي انا! باعت لي بيقول لي مثلك لا يجهل الاسلام يا خالد - 00:18:26

رسول الله يا رسول الله ده انا خلاص ده انا بقيت زي خال الحكومة شوية وهتضرب بالنار خلاص خلاص يا رسول الله انا يا رسول

الله انت باعت لي انا الوقتي في الفترة دي - 00:18:36

في قمة الكسرة اللي انا فيها وبتقول لي لو جئتنا لقدمناك على غيرك. ياه! بعد كل الازى اللي ازنه لك. بعد ما رجمنا رجلك بالحجارة في اسواق منى. بعد ما مشيناك على الجمر في الطائف. بعد ما اكلناك ورق الشجر في الشعب. لسة قلبك مليون حنان علينا يا رسول الله - 00:18:46

ابن الخطاب وهو بيلطم اخته فاطمة وتشج وشها وسال الدم منها رق قلب عمر. خضاب كان موجود في الموقف. خباب رجا انه عمر قلبه يلين ويدخل في الاسلام قال له يا عمر يا عمر اني لارجو ان يستجاب فيك دعوة رسول الله. يستجاب فيها دعوة رسول الله هو ايه؟ ادعى لي ان ربنا ينتقم مني ولا - 00:19:06

دعا علي ان انا اموت ولا زلزال يبلعني ولا ايه! لقد قال اللهم اعز الاسلام باحد العمرين. ايه ده! ياه رسول الله بيدعي لي انا. انا اللي عايز اقتله وهو بيدعي لي. انا اللي باعزب اتباعه وهو بيدعي لي. حنان زلزل قلوب - 00:19:26

يا جماعة لما الرسول كان بيحدث الصحابة عن نبي القوم بيضربوه لغاية ما ادموه وهو بيمسح الدم ويقول اللهم اغفر لقومي فانهم لا يعلمون. مين النبي ده؟ ده محمد عليه الصلاة والسلام. عملوا معه كده في الطائف وعملوا معه كده في احد. وكان بيقول اللهم اغفر لقومي فانهم - 00:19:46

لا يعلمون عليه الصلاة والسلام عليه الصلاة والسلام. انا مش عايز لسانك يبطل عليه الصلاة والسلام. السلسلة دي كلها كل السلسلة دي عشان كلمة عليه الصلاة والسلام. كل السلسلة دي مقصدها هذه - 00:20:06

كلمة يا جماعة انا عايز كلمة عليه الصلاة والسلام تقلب حياتنا. تملأ حياتنا تغيير حياتنا. من صلى علي صلاة واحدة مرة واحدة بس يا رسول الله صلى الله عليه. الله! الله يصلي عليه يا رسول الله. ايه الصفقة دي! ايه حب ربنا للنبي ده! صلى الله - 00:20:20

عليه عشرا. ياه! ما من مسلم يصلي علي الا صلت عليه الملائكة. الله اكبر عليه الصلاة والسلام الملائكة ايه حب الملائكة للنبي عليه الصلاة والسلام. ما دام يصلي علي فليقل من ذلك او ليكثر. يعني النبي عليه الصلاة والسلام عليه ده اعظم - 00:20:40

في حياتنا يا جماعة. كل مرة بتصلي على رسول الله قل يلا عليه الصلاة والسلام. كل مرة بتصلي على رسول الله. سيئاتك بتقل عشرة. حسناتك تزيد عشرة درجاتك بتطلع عشرة. يعني صحيفتك قبل كل مرة صلاة على رسول الله. غير صحيفتك بعد المرة دي. مقامك في الجنة - 00:21:00

قبل الصلاة على رسول الله غير مقامك ودرجاتك في الجنة بعد الصلاة عليه. عليه الصلاة والسلام. انا عايزكم يا جماعة ما تبطلوش صلاة على رسول الله. انا عايز جلسة الضحى ناخذها صلاة على رسول الله صلى الله عليه وسلم. واحنا ماشيين نصلي عليه. طول الليل نصلي عليه بعد التراويح. خد التهجد صلاة عليه. جرب انك تقوم الليل - 00:21:20

عليه. لما جه الصحابي يقول له اجعل كل صلاتي لك. شافين الصحابة حبوه قد ايه؟ قال له اذا يغفر لك ذنبك وتكفى همك يعني الدنيا والدين الاثنين مشاكلهم تتحل بالصلاة على حبيب الله. صلى الله عليه وسلم. صلتك بالله تتغير. صلتك بالملائكة تتغير - 00:21:40

علاقتك مقامك في الجنة يتغير. صحيفتك تتغير مشاكل دينتك ودينك تتغير. بالصلاة على رسول الله صلى الله عليه وسلم ورأيت رجل الحديث اللي كان بيعظمه ابن تيمية يزحف على الصراط ويحبو مرة ويتعلق مرة متعلق بالصراط هيقع في جهنم فجاءته - 00:22:00

صلاته علي فاقامته وانقذته يعني الصلاة على رسول الله انقاذ يا جماعة. اسمعوا الحديث الرهيب ده. اسمعوا الحديث الخطير ده. اسمعوا الحديث العظيم ده. ان لله الملائكة سياحين في الارض يبلغوني من امتي السلام. لله يعني اللي معينهم ربنا. يعني ربنا عين ملايكة لعمل صالح - 00:22:20

واحد بس دونا عن كل الاعمال. يبقى يقينا ان العمل ده مختلف عن كل الاعمال. ملائكة متخصصة يا سياحين. سياحين دي من السياحة. يعني الاماكن يعني الجنات بتاعة الارض هي اماكن الصلاة على رسول الله. صلى الله عليه وسلم. سيحينا في الارض. الارض

كلها. لان ما فيش مكان على وجه الارض. ما فيش - 00:22:45

بعث رسول الله صلى الله عليه وسلم. يبلغوني من امتي السلام يعني منك لرسول الله مباشرة. عليك السلام يا حبيب الله. عليك السلام يا رسول الله انا عايز اكلّمك عن حنان رسول الله بس لسانك ما يبطنش بقى. لسانك ما يبطلش معي عليه الصلاة والسلام. حاله في زوجاته. حاله في زوجاته يا جماعة. السيدة عائشة - 00:23:05

رضي الله عنه كانت السيدة صفية زوجته بتطبخ حلو اوي رضي الله عنها جميعا السيدة عائشة كانت لسة صغيرة. كان طبيخها لسة يعني مش زي الباقي اوي يعني. ففي يوم السيدة عائشة السيدة صفية عملت له اكل حلو جدا وبعثته له. السيدة عائشة ارتعدت من الغيرة - 00:23:25

ارتجفت من الغيرة. فقامت ماسكة طبق الاكل. قامت رمياه في الارض. الطبق اتكسر والاكل وقع. اللي كان قاعد مين؟ صحابة النبي عليه الصلاة والسلام. كانوا هياكلوا مع رسول الله صلى الله عليه وسلم. لو ده حصل من مراتك عمل فيها ايه؟ والله العظيم تعمل فيها ايه يا اخي؟ لو ده عند العرب كلهم اي واحدة عملته مع جوزها ده يقتلها. لو عندنا ممكن - 00:23:39

الله فيها. انما النبي عليه الصلاة والسلام فضل يلم الاكل. وهو عليه الصلاة والسلام بيقول بكل رحمة وحنان. وود وهو بيقول غارت امكم. غارت امكم حتى مش غارة عائشة امكم اوعوا تنسوا فضلها. امكم ليه؟ النبي رحم غيرتها. النبي رحم غيرتها. ده رحمة يا جماعة. ده حنان يا - 00:23:59

يا جماعة ده حنان يا اخواني. النبي عليه الصلاة والسلام مرة السيدة اه عائشة طبخت اكل وكان يعني ايه؟ طبخت اكل. وكان السيدة سودة قاعدة جنب النبي من الناحية الثانية - 00:24:19

والسيدة عائشة الناحية دي. بس النبي بياكل يعني فالسيدة سودا مش راضية تاكل. فالسيدة عائشة بصت لها قصدك ايه بقى؟ يعني مش راضية تاكلي ليه؟ قصدك ان الاكل بتاعي فيه حاجة ولا ايه؟ قالت لها كل - 00:24:29
قالت لها لأ ما رزقتش شوية كلي ما رضاش. قالت لها لا تأكلين او لالطخن وجهك. هاقوم واخدة الاكل وملطخة وشك. ما رزقتش. قامت السيدة عائشة واخدة الاكل وقامت ملطخة وش السيدة سودة. انما - 00:24:39

عليه الصلاة والسلام عمل ايه؟ فضحك رسول الله. واعلن القصاص. القصاص يعني ايه؟ سيدة سودة قامت واخدة هي الاكل. وقامت ملطخة وش السيدة عائشة حنان وحنان بغير الدين. وبغيرة دي من النبي عليه الصلاة والسلام. النبي كان له جار فارسي. وكان عايز يعزم النبي على مرق شوربة. والنبي كان ايامها ما فيش غير تمر - 00:24:51
مية، فالنبي عليه الصلاة والسلام قال له لا حتى تأزن لعائشة. اجيب عائشة معي. فقال له لأ. ما فيش. ده سلام مش هابن عليه. انه ياكل اكلة هي نفسها فيها من - 00:25:11

غيرها. فقال له حتى اتي بعائشة ما رضاش. ثاني مرة عزمه ما رضاش. تالت مرة قال له هات عائشة. الحديس في صحيح مسلم. بيقول السيدة عائشة بتقول فتدافعنا كنا نتدافع يعني النبي والسيدة عائشة تخيلوا يا جماعة الحنان اللي في قلبه. وقف الجيش كله عشان عقد السيدة عائشة ضاع. عليه الصلاة والسلام - 00:25:21

قدام الناس كلها من احب الناس اليك عائشة. بدون خجل بيكرم مراته قدام الدنيا كلها. عليه الصلاة والسلام. واحدة دلوقتي تقول له انت آ مراتي تقول له انت بتحبني يقول لها يقول لها يا ستي العشرة ما تهونش غير عليها. يعني بتحبني ولا ما بتحبنيش. النبي عليه الصلاة والسلام مرة حصل مشكلة مع السيدة عائشة. جه سيدنا ابو بكر يصالح بينهم - 00:25:41

علت صوتها على النبي. ابو بكر هجم عليها عشان يلطمها. السيدة عائشة قامت مستخبة ورا النبي ومحتمية فيه. وابو بكر جاي يصالحهم. احتمت فيه. الرسول بص لها وقال لها رأيت كيف انقزتك من الرجل؟ سيدنا ابو بكر مشي. اول ما مشي سمع ضحكاتهم بتتعالى. فرجع ثاني قال اشركتmani في حربكما - 00:26:01

في سلمكما تتمني زوجة احسن من كده. تتمني زوجة احسن من واحد مستني بسنة النبي. عليه الصلاة والسلام. اختاري لبنتك واحد يستني بسنة النبي. ولو انت لسة ما اتجوزتيش اختاري واحد متبع لسنة رسول الله صلى الله عليه وسلم. حنانه حنانه يا جماعة مع

الخدم بتوعه - 00:26:21

سيدنا انس يقول خدمت رسول الله عشر سنين كما قال لشيء فعلته لم فعلته ولا لشيء لم افعله لم لم تفعله؟ عشر سنين تتمني انك تتجوزي واحد عشر سنين لا ينتقد لبسك - 00:26:41

ولا اكلك ولا حطيتي مكياج ولا لأ ولا عملتي ولا ما عملتيش ولا ولا اشتغلتي شغل البيت ولا لأ تتمني زوجة احسن من كده النبي الخادم بتاعته تعزمه يروح يقبل العزومة عليه الصلاة والسلام. وبعد ما ياكل يقول قوموا فالاصلي لكم. مش قوموا فالاصل -

00:26:55

بكم لأ لكم. يعني كل دعواتي في السجود بتاع الصلاة هيبقى لكم انتم. شوفوا الحنان يا جماعة. شوفوا الحنان مع ربيعة. خادم النبي. الفقير الغلبان المعدم لما يقول احببت رسول الله حبا ملك علي حياتي. حديس صحيح الاحاديث كلها محققة بفضل الله. احببت

رسول الله حبا ملكي علي حياتي - 00:27:15

فقلت لخدمن رسول الله. فراح يخدم النبي عليه الصلاة والسلام. اشتغل خدام عند النبي عليه الصلاة والسلام فالنبي قال له تزوجت يا ربيعة؟ الا تتزوج يا ربيعة؟ يا رسول الله لا لا انا مش عايز اي حاجة تشغلني عنك. اخاف ان يشغلني عنك شيء يا رسول الله. ثاني

يوم تزوجت - 00:27:35

ربيعة الا تتزوج يا ربيعة؟ ثالث يوم الا تتزوج يا ربيعة؟ قال خلاص لو عرض علي مرة رابعة هوافق. الا تتزوج يا ربيعة؟ ربيعة وافق. ارسلا الناس راح لهم رجع حزين اوي. قال له لمازا انت حزين ليه يا ربيعة؟ النبي ببسأل عنه عليه الصلاة والسلام. قال له يا رسول

الله معييش صداق معييش مهر. جماعة له - 00:27:52

دهب عشان يديها مهر. شوية حزين ليه يا ربيع؟ يا رسول الله ما عييش وليمة فرح امال بتتجوز؟ ما عييش وليمة فرح. يا جماعة الوشاة وخبز النبي ما عملش. النبي دي مش وليمة زوجاته اصلا. النبي يا جماعة الاب بيبقى عايز ابنه بيبقى احسن منه. ويبقى فرح

ابنه احسن من فرحه. النبي كانت وليمة - 00:28:12

احسن من ولاء من النبي عليه الصلاة والسلام. شاه وخبز عليه الصلاة والسلام. الخدم بتوع النبي لما شاف واحد بيضرب العبد بتاعه. فقال له لله اقدر من قدرتك عليه. فلما رجع اعتقه قال له لو لم تفعل لمستك النار. رسول الله صلى الله عليه وسلم مع واحد اسمه

زاهر. ما كانش الصحابة بيحبوه - 00:28:32

ما كانش محبوب اوي وسط الناس. جه النبي من وراه وقام حاطط ايده على عينيه. قال من يشتري العبد؟ من يشتري العبد؟ فزاهر بيبص فلقاه النبي عليه الصلاة والسلام قال له يا رسول الله اذا تجدني كاسدا هو مين اللي هيبص لي؟ ولا مين اللي بيحبني؟ قال له

لكنك عند الله لست بكاسف. شوفوا حنان رسول الله. حنان - 00:28:52

على الفقراء يا جماعة. اهل الصفة ما كانش بينام الا لما يطمئن انهم اتعشوا. ده الاب اللي ما يقدرش ينام الا لما يطمئن ان اولاده كلوا.

رسول الله صلى الله عليه وسلم مع جليبيب - 00:29:12

شليبيب لما بعد المعركة ما انتهت قال لهم هل تفقدون من احد؟ لأ يا رسول الله كل الاغنياء والصحابة زوي المراكز اهم قال لهم لكني افقد جليبيب فقير وما حدش واخذ باله منه. قام النبي ودوروا عليه لغاية ما لقاه مقتول. ولقى حواليه سبعة من المشركين شالوا

النبي. وحضنه وقعد يبكي ويقول - 00:29:22

اللهم هذا مني وانا منه يا فقير. يا اللي ممكن ما حدش بيحب انك انت تخبط على بابه. يا اللي ممكن لما بتتصل بحد بيخافوا لما يسمعوا صوتك يا مسكين يا كل يتيم. يا كل واحد عنده مشكلة. ممكن يكون المجتمع ما بيحبش. اللي عنده مشكلة. ولكن النبي عليه

الصلاة والسلام ارحم الناس بك - 00:29:42

اقرب الناس اليك عليه الصلاة والسلام كان عليه الصلاة والسلام كل واحد من صحابته بيزن انه اقرب واحد له. اقرب واحد له لما خرج مع ثلاثين الف واحد في تبوك يا جماعة. ثلاثين الف واحد يقول كن - 00:30:02

يا خيثمة ويسأل عن كعب ابن مالك ويقول كن ابا ذر لما يشوف واحد جاي من بعيد. ايه ده يا رسول الله! انت فاكر واحد من وسط

تلاتين الف واحد ازاي! يا جماعة الاب لو - 00:30:16

ميت ولد ما بينساش واحد عن واحد. ده اب يا جماعة. مش نفسك يوم القيامة يناديك باسمك على الحب. مش نفسك في الجنة بازن الله بيعت لك باسمك ويقول لك وحشتني تعال زورني. عليه الصلاة والسلام. لما وسط الجيش مات ذو البجادين. الغلام الفقير اللي ما فيش هدوم تستر جسمه كله. الغلام - 00:30:26

غلبان الرسول عليه الصلاة والسلام يشيله ويبكي وهم بيحفروا القبر بتاعه. يعني لواء ماسك كاتبة تلاتين الف جندي يشيل عسكري لما ويقعد يبكي ويدفنه ويدفنه بايديين النبي عليه الصلاة والسلام يا جماعة. شايله والقبر بيتحفر. تخيلوا يا جماعة ايه الحنان ده! ايه طاقة - 00:30:46

الحب الرهيبة دي حنان الرسول عليه الصلاة والسلام. حنانه حنانه بالنساء لما كان بيقول رفقا بالقوارير. شوفي كان كان حاسس بضغفك ازاي. كان حاسس انك زي القارورة الازازة الرقيقة كان حاسس برقة مشاعر المرأة ازاي ؟ شوفوا السيدة خديجة بعد تلتاشر سنة من موتها مين اللي يفتكر؟ مين اللي يفتكر حد بعد - 00:31:06

تلتاشر سنة من موته يا جماعة. واحدة ولا واحد ولا بعد تلتاشر سنة السيدة خديجة يسمع صوت اختها هالة. بعد سنين من موتها يرتاح. الرسول يرتجي في النبي عليه الصلاة والسلام - 00:31:26

السيدة عائشة تغير لان كان صوتها زي صوت خديجة. السيدة عائشة تغير. تقول له اما خلق الله امرأة على وجه الارض غير خديجة؟ ايه يا رسول الله! هو ما فيش غير - 00:31:36

ياه! مش هاقول لكم الوقت رد النبي. مش هاقول لكم النبي عمل ايه ؟ لان الموقف اللي النبي عمله عليه الصلاة والسلام. كل ما الواحد يبص له كده تحس ان دموعك بتنة - 00:31:46

تامر لما تشوف النبي قال لها ايه ؟ ورد على غيرة السيدة عائشة ازاي ؟ رسول الله صلى الله عليه وسلم لما وقف على قبر امه بعد سنين من موتها واقف يستني يستأذن ربنا انه يستغفر لها. لغاية ما الشمس تضرب رسول الله صلى - 00:31:56

وسلم ويبكي النبي ويبكي كل اللي حواليه ولا يؤذن له. ولا يؤذن له. لما ماتت امه وهو عنده ست سنين قدام عينيه. ودفنها وما كانش الخادمة بتاعتها عليه الصلاة والسلام عليه افضل الصلوات. من رب العالمين الى يوم الدين. حنانه باللي ماتوا. وحنانه باللي لسه هيجوا. حنانه باصحابه - 00:32:10

يا جماعة لما جه جعفر من هجرة الحبشة قال لا ندري بايهما نفرح بقدم جعفر ام بفتح خيبر شوفوا فرحه كأن فتح افتتح لما جه جعفر ولما بيعت جعفر مؤتة ويتقتل جعفر. كل الستات مستنيتين اجوازهم لما راجعين من مؤتة. مرات جعفر قاعدة مستنية جوزها جعفر يا جماعة. جعفر - 00:32:30

مش فلان وفلان. قاعدة لابسة احسن لبس بيحبه. طابخة احسن طبخ بيحبه. ملبسة ولادهم ومحماهم وملبساهم احسن لبس. منضفة البيت وقاعدة جوزها اللي وحشها وقاعدة تسمع اصوات المجاهدين جايبين وافراح امهاتهم واهاليهم وزوجاتهم وبناتهم واخواتهم بهم. والباب بتاعهم - 00:32:50

ما خبطش. هو جعفر اتأخر ليه ؟ يكون فيه الجرح ولا حاجة والباب يخط. تجري اسماء بنت عميس ويجري ولادها كلهم فرحانيين هيشوف ابوهم افتح اسماء الباب عشان تشوف جعفر تلاقي رسول الله صلى الله عليه وسلم. تبص للنبي عليه الصلاة والسلام تقول له يا رسول الله هو يعني يعني اين جعفر يا رسول الله - 00:33:10

راح فين ؟ يقول لها قتل جعفر. قتل جعفر. ياه على التضحيات اللي دفعوها. زوجات الصحابة والصحابة ورسول الله صلى الله عليه وسلم من قبلهم. طب النبي راح لها بنفسه ليه ؟ لانه عارف ان مصابها في جعفر مش ما فيش غير قلب النبي الحنون. هو اللي ممكن يخفف عليهم المصاب ده. ياخذ اولاد جعفر يحضنه - 00:33:30

ويضمهم ويضمهم عليه الصلاة والسلام. حنان النبي اللي لما كان بيسمع طفل يبكي في الصلاة. كان يخفف الصلاة. كان الطفل ده ابنه مش ابن امه اللي قاعدة بتصلي جنبه. حنان النبي عليه الصلاة والسلام اللي لما شاف طفل كان معه عصفور. والعصفور مات يوقف

الطفل يقعد يضحكه ويقول له يا - 00:33:50

ابا عمير ما فعل النغير يقعد يضحك مع ابوه ما عملش معه كده لغاية ما الولد يضحك. لغاية ما الصحابي الصغنى يضحك من مداعة النبي عليه الصلاة والسلام حنان يا جماعة حنان النبي عليه الصلاة والسلام. شف قد ايه رحمته بك. لما يقول لك ابنه شف قد ايه خوفه عليك عليه الصلاة والسلام لما يبكي من خوفه عليك. شف - 00:34:10

قد ايه شوقه لك لما يتمنى انه يشوفك قبل ما يموت. شف قد ايه امله فيك. لما ملك الجبال يقول له اطبق عليهم الاخشبين يقول له لعل الله من اصلايب من اصلايبهم من يوحد الله. خايف عليك قد ايه ؟ تختاري زوجة احسن من رسول الله. وانت يا حبيب قلبي تتمنى اب احسن من رسول الله - 00:34:32

وانتم يا امة محمد تتمنوا حاكم احسن من رسول الله. صلى الله عليه وسلم. عايزين يا جماعة عايزين نحب رسول الله بصدق. عايزين حب رسول الله يملئ علينا حياتنا عليه الصلاة والسلام. عايزين حب رسول الله يغير لنا حياتنا كلها. عايزين يا جماعة نحب النبي عليه الصلاة والسلام لحد ما يبقى اكبر اكبر - 00:34:52

شوق في حياتنا انه يشفع لنا عند ربنا. عايزين نتمنى بصدق ان احنا نبقى معه في الجنة عليه الصلاة والسلام. عايزين نحب النبي عليه الصلاة والسلام ونتمنى ان احنا نشرب من ايده شربة - 00:35:12

على حوض رسول الله صلى الله عليه وسلم. عايزين نحبه بصدق ونتمنى ان احنا نقرب منه بصدق. حنان النبي عليه الصلاة والسلام على زوجاته. على اللي ماتوا خديجة وامه على النساء حنان النبي على الاطفال. حنان النبي على الخدم. حنان النبي على الفقراء. حنان النبي على اصحابه لما كان في غزوة الاحزاب - 00:35:22

تاب والكل جعان والنبي رابط الحجر على بطنه من الجوع. وجابر يبجي يعزمه يقول له يا رسول الله ومعك رجل او رجلين في صحيح البخاري. الرسول اب والالف الصحابي اللي حواليه كلهم ولاده. النبي عليه الصلاة والسلام ما يقدرش اب ياكل وولاده جعانيين. قال للجيش كله هيا. الجيش كله قام. الجبل كان جابر - 00:35:42

مراد جابر يعني يعني اخزت تقول له كذا وكذا. لقت الف واحد دخل عليها البيت ده انا طبخت طعام لواحد او اتنين بس. ازاى كل ده؟ قال لها الرسول هو اللي قال لهم عليه الصلاة والسلام. اب يا جماعة مش قادر انه ياكل وولاده ما ياكلوش. شوفوا عاطفته تجاهها شكلها ايه ؟ اشد من عاطفة - 00:36:01

يا جماعة عمانك مش هيزيد الا لو حبك لرسول الله صلى الله عليه وسلم زاد. لا يؤمن احدكم حتى اكون احب اليه من والده. وولده والناس اجمعين. لان ما فيش حد عمل لك اللي انا عمله لك. ما فيش حد حبك زي ما النبي حبك. ما فيش حد اشتاق اليك زي ما النبي اشتاق اليك. اعظم منة ربنا منها علينا في حياتنا. هي - 00:36:21

رسول الله صلى الله عليه وسلم حنانه على اصحابه لما ربنا قال له واخض جناحك لمن اتبعك. الطير لما يخفض جناحه يحضن اولاده تحت جناحه. النبي كان اب للامة كلها - 00:36:41

لما قال الانصار كرشي وهيبتي. الكرشي اللي هم الاطفال الصغنين بتوع الواحد. اولادي الصغنين. يعني النبي عليه الصلاة والسلام شوفوا العاطفة بتاعته لما كان صحابي يبجي ما كانش يسيب ايده من ايده لغاية ما الصحابي هو اللي يشيل ايده. اب وحبيبه ابنه حبيبه بيودعه. مش قادر يشيل ايده من ايد الصحابي عليه الصلاة والسلام - 00:36:54

سلام. لما يشوف جابر تزوجت يا جابر هلا بكرا يا جابر اب ونفسه انه يتجوز. ونفسه يشوف ولاد ابنه ونفسه يفرح بابنه ونفسه يختار احسن اختيار ابنه عليه الصلاة والسلام في نهاية الحلقة يا جماعة - 00:37:14

في نهاية الحلقة قلت لكم ان هدف السلسلة كلها كلمة عليه الصلاة والسلام. واحد يقول طب افضل صيغة للسلام على رسول الله الله. والصلاة على رسول الله ايه؟ اقول له النص الثاني من - 00:37:28

تحيات اللهم صل على محمد وعلى آل محمد. الى اخر التحيات. انما ممكن تقول لي عليه الصلاة والسلام. يا جماعة تاني من صلى علي صلاة صلى الله عليه بها اشرف ايما مسلم صلى عليه الا صلت عليه الملائكة. ما دام يصلي علي فليقل من ذلك او يكثر. ان لله -

[00:37:38](#)

سياحين في الارض يبلغوني من امتي السلام. عليه الصلاة والسلام. ورأيت رجل يزحف على الصراط ويحبو مرة ويتعلق مرة جاءته صلاته علي فاقامته وانقذته. من صلى على رسول الله مرة اتاه الله عشر حسنات وكفر عنه عشر سيئات. ورفع له عشر درجات -

[00:37:58](#)

لما الصحابي قال له اجعل كل صلاتي لك. قال له اذا تكفى يكفى اذا يغفر لك ذنبك. وتكفى همك. عايز يكفى همك عايز مشاكل الدنيا والاخرة تتحل. عايز يتغير علاقتك بالله وربنا يصلي عليك. والملايكة تصلي عليك وتشفي عليك يوم القيامة. وعلاقتك بالرسول عليه -

[00:38:18](#)

عليه الصلاة والسلام تتغير لما يبلغ منك السلام. كثيرا ومرارا وتكرارا عليه الصلاة والسلام. عايز كل حياتك مشاكلها تتحل. صلوا على رسول الله. صلى الله عليه وسلم يا جماعة كل مرة هنعرف لماذا محمد؟ هنعرف ليه هو اللي الطعام سبح في ايديه ؟ هنعرف ليه هو

اللي ربنا شق له القمر قبل ما السما كلها تتشق - [00:38:38](#)

والاهامة. كل مرة هنعرف ليه هو اللي ربنا رفعه فوق سدرة المنتهى؟ لكان ما فيش مخلوق ولا ملك ولا نبي. اترفع له. كل مرة هنعرف ليه هو الماية اتفجرت من بين ايديه؟ سقط ثلاثين الف واحد في جيش تبوك في اشد موقف حر مر على الامة كلها واشد موقف

عطش - [00:38:58](#)

كل مرة هنعرف لماذا محمد؟ ليه هو اللي كان جبل احد يتزلزل تحت رجليه؟ يطبطب عليه بايده الجبل يسكن. ليه هو عليه الصلاة والسلام اما يحط ايده عليه. ليه هو اللي كان مقامه ده عند ربنا؟ واجابة دعائه للدرجة دي عند ربنا. كل مرة هنعرف لماذا محمد؟

عايزين نحب الرسول بصدق - [00:39:18](#)

نحب الحب العملي اللي يخلينا نتبعه. اوعي تخسري انك تبقي معه في الجنة. انا عايز كل زرة في قلبك تحس ان اعظم نعيم في الجنة بعد نعيم جوار الله هو نعيم صحبة رسول الله حبيب الله صلى الله عليه وسلم. انا عايز حياتك يبقى هدفها انك تبقي معه في

الجنة. حياتك يبقى هدفها انك تبقي معه في الجنة. قبل ما اسبب - [00:39:38](#)

باوصيكم يا جماعة. باوصيكم احنا في رمضان. عايزين ضربة البدء يا جماعة. عايزين بداية رمضان يبقى اقوى ما في رمضان عايزين القرآن يغيرنا في رمضان. يلا يا امة محمد يلا يا اختي. يلا يا حبيب قلبي. يلا يا امهاتنا واباءنا. عايزين نتغير تغيير حقيقي. انا انا -

[00:39:58](#)

انا عايزك تتخيل لو واحد ميت في المقابر ربنا احياه يوم واحد في رمضان لأ. احياه ليلة واحدة. قال له انت من الوقت للفجر هتحييا وهرجع تموت ثاني فرصة انك تعتق من النار. لان في كل ليلة عتقاء من النار. يا تلحق تشتغل قبل الفجر لغاية قبل الفجر فتعتق يا

ترجع المقابر ثاني وانت لسة ما اعتقتش - [00:40:16](#)

تخلوا هيعمل ايه! تخلوا هيصلي التراويح بخشوع شكله ايه! تخلوا بعد الحلقة دي هيجري على الجامع ازاى هيجري على الجامع ازاى! تخلوا هيمسك المصحف في التهجد الليلة ازاى! هيبكي بين ايدين ربنا ويتوسل ويتضرع لربنا ازاى! بعد - [00:40:36](#)

هو هيتكلم مع حد ولا هيقوم جاري على طول عشان يلحق يتهدج من ايدين ربنا! يا جماعة لازم تبقى دي ليلة العتق من النار ان شاء الله. بازن الله تخيل انك انت مت - [00:40:53](#)

والليلة دي هي الليلة بتاعة عمرك. هتعتق ولا هي تعتق يا ما تعتقش! يا تنتهز الفرصة يا ما تنتهزش! تخيل انك انت الوقتي جات لك رسالة على المحمول. مين رسول الله - [00:41:03](#)

بيقول لك ايه ؟ بيقول لك انا نفسي انك انت تعتق من النار. انا نفسي ان النار ما تمسكش. انا نفسي انك تبقى معي في الجنة. مش نفسك انك تبقى معي في الجنة اشتغل - [00:41:13](#)

اشتغلوا يا امة محمد ابواب الجنة التمانية مفتوحة. اشتغلوا يا امة محمد رمضان فرصة لصحبة رسول الله في الجنة يا جماعة. رمضان فرصة النيل اعلى المقامات في الجنة يا جماعة. يا حسرة كل واحد اتحرم من صحبة رسول الله. وهو وهو بيندم ان كان

ممکن بمضاعفة الأعمال في رمضان - 00:41:23

ربنا يرحمه ويرفعه في الجنة. يا جماعة ياللا يا جماعة انا عايز منك انا عايزك تركز حتى لو لك يعني بتحب تختتم كثير. انا عايزك تركز كل يوم في جزء واحد. لو عايز تتغير وتتقلب. الجزء اللي هيتقلب الليل في التراويح - 00:41:43

تقراها في الضحى او الصبح وتقراه بعد العصر وتحضره وتجري على الجامع دلوقتي تلحق تجيب لك منه ربع ربعين كمان. وتسمعه في التراويح بخشوع ممكن تتهدد به بالليل كمان. ليه ؟ عشان نتغير. الكلام ده لما الواحد كان بيطبق بيحاول يطبق فيه ايام ايام الدراسة زمان. كان الكلام ده بيقلب حياة الواحد - 00:41:57

يا جماعة كل يوم ركزوا في جزء. في الجزء اللي هيتقري بالليل في التراويح وعيشوا معه. وعيشوا معه وشوفوا هتخرجوا منه بايه. لو خرجت منه بربع اية بكلمة حياتك هتتغير هيبقى في علاقة بينك وبين القرآن. يلا يا جماعة تبقى ليلة العتق ان شاء الله. يلا يا بنتي يلا يا اختي في الله. عارف ان عندك - 00:42:17

يا ولاد ومشاكل والاكل لسة هتشيليه وهتغسليله. والتلات عيال الصغيرين اللي هيبهدلوك ولا الاربع عيال. معلش انت مجاهدة. انت مجاهدة انت اجررك باذن الله لان احنا فاضيين هنصلي هنعمل اللي احنا عايزينه. انما انت في بيت في رقبته البيت وشغل البيت فانت سوابك مضاعف ان شاء الله استحملي - 00:42:37

اصبري وجاهدي لانك مجاهدة. وطول عمرك مجاهدة. وهتربي مجاهدين باذن الله. اصبري وابشري ان سوابك ان شاء الله. اكتر من سواب اللي ما فيش وراه زروف ولا وراه مشاكل ولا وراه مطبخ. انما هتضيي عمرك في المطبخ. اوعي تضيي رمضان في المطبخ يبقى يا حسرتك يوم القيامة. يا ندمك يوم القيامة. يا لهفتك - 00:42:57

الحسنات اللي ضيعتها يوم القيامة اخواني اخواتي حنان الحبيب حنان رسول الله كأن رسول الله يقول في قلبنا واحنا الوقت نختم الحلقة اشتقت الى احبابي. اشتقت اليكم وحشتوني. وحشتوني وانت كمان وحشتنا يا رسول الله. وانت كمان قلوبنا اتزلزلت من شقق - 00:43:17

اليك يا رسول الله. اللهم احشرنا مع رسول الله في الفردوس الاعلى. اللهم ارزقنا صحبتته في الفردوس الاعلى. اللهم اسقنا من يدك الطاهرة الشريفة شربة على حوضه لا نظماً بعدها ابدأ. اللهم متعنا بصحبته في الجنة. اللهم شفعه فينا يا رب - 00:43:37

شفعه فينا حتى ندخل الجنة بلا حساب ولا عذاب يا رب. يا رب ابلغه منا السلام. ابلغه منا السلام ابلغه منا ان على سنته ابلغه منا ان على طريقه. ابلغه منا انا على عهده. ابلغه منا ان على اتباعه. ابلغه منا يا رب السلام يا رب - 00:43:57

انك انت السلام ومنك السلام. تباركت يا ذا الجلال والاکرام. يلا يا اخواني انطلقوا على العتق من النار. انطلقوا على العتق من الزقوم والحميم والقسمين وشفير جهنم ومقامها الحديد انطلقوا للعتق من كل ده. ونتقابل بكرة باذن الله. سبحانه وتعالى مع شوط جديد - 00:44:17

من اشواط رحلة لماذا محمد؟ نشوف معنى جديد في حب رسول الله. خلاص هو حلقتين ثلاثة في الاول بنتعرف على شخصية النبي وبعدها نطلق في حدس حادس باذن الله سبحانه وتعالى نتقابل بكرة وكلنا باذن الله معتوقين من النار. اللهم امين. اقول قولي هذا واستغفر الله لي ولكم - 00:44:37

سبحانك اللهم وبحمدك اشهد ان لا اله الا انت استغفرك واتوب اليك. جزاكم الله خيرا قالوا لي - 00:44:58